

浮山縣志卷之二十六

風俗

草從風靡政由俗革雖一地而士習民風歲改月移不無今昔之殊載稽圖籍類難以刻舟求劍者浮邑舊乘僅存其畧爰采賾記今昔並陳涖政者輔其善以祛其弊庶永存陶唐氏之遺云志風俗

左傳季札觀周樂爲之歌唐曰思深哉其有陶唐氏之遺民乎不然何憂之遠也非令德之後誰能若是爲之歌也

浮山縣志

卷之二十六

風俗

一

魏曰美哉泚泚乎大而婉險而易行以德輔此則明主也

詩傳唐風土瘠民貧勤儉質樸憂深思遠有堯之風焉

魏風其地狹隘民俗儉嗇蓋有聖賢之遺風焉

詩小序魏地狹隘其民機巧趨利

史記參爲晉星其民有先王遺教故君子思深小人儉陋又水深土厚性多剛直好義任俠當全晉之時固已知其剽悍矣



北齊劉子晉有唐虞之遺風其俗節財而儉嗇

隋書土地少沃多瘠是以傷於儉嗇其俗剛強亦風氣使然

通典山西土瘠其人勤儉而河東魏晉以降文學盛興閭井之間習於成法

柳宗元晉問有茅茨采椽土型之度故其人至於今儉嗇有溫恭克讓之德故其人至於今善讓有師錫僉曰疇咨之道故其人至於今好謀而深思有百獸率舞鳳凰

浮山縣志

卷之二十六

風俗

二

來儀於變時雍之美故其人至於今和而不怒有昌言儆戒之訓故其人至於今憂思而畏禍有無爲不言垂衣裳之化故其人至於今恬以愉此堯之遺風也吳子曰美矣善矣其蔑有加矣夫儉則人用足而不濫讓則遵分而進善其道不闕謀則通於遠而周於事和則人之質戒則義之實恬以愉則安而久其於道也至乎哉朱子詩註唐俗勤儉故其民間終歲勞苦不敢少休及其歲晚務閒之時乃敢相與燕飲爲樂其風俗之厚而前

聖遺風之遠如此 又論太行山之高處平陽晉州蒲
阪山之盡頭其地磽瘠人民樸陋儉嗇惟堯舜能都之
又詩辨河東地瘠民貧風俗勤儉乃其風土氣習有
以使之至今猶然在三代時可知

豐城朱氏詩說唐俗勤儉勤者生財之道儉者用財之節
聖人教人不越乎勤儉而已

宋地理志其俗剛悍而樸且勤農織之事業寡桑柘而富
麻苧善治生多藏蓄其靳嗇尤甚

浮山縣志

卷之二十六

風俗

三

蘓轍論其民倜儻而無所顧負力而傲其吏吏有不善而
不能以有容也叫號紛呶奔走告訴以爭毫釐曲直之
際故夫秦晉之俗有一朝不測之怒而無終身戚戚不
報之讐也

郭子章晉論古之帝王更都三河讀園桃園棘故其民至
於今憂國而忠於主有樞有榆故其民至於今喜樂而
愉瞿瞿休休故其民至於今長慮而却顧陟岵陟屺故
其民至於今孝閑閑坎坎故其民至於今力穡且葛屨

見隘陋焉彼汾見貧儉焉

圖書編崇禮讓多勇敢

府舊志人好力田喜雨苦旱又曰惟尚質實不事商賈

縣舊志俗尚節儉不事商賈男耕女織各執其工重婚喪
惜廉恥以官法不及爲榮以家事不治爲辱比閭親睦
有無相須交際往來一秉古禮有陶唐氏之遺風焉

浮邑土瘠民貧兼以人密地稀田畝歲入僅資口食一

切國課交際均從地出催科日擾民不聊生迨自明祖

浮山縣志

卷之二十六

風俗

四

今兵革偃息盜賊藏匿道路以通商賈以興往來餬口

於齊魯燕趙宋衛中山間者十之五六人民漸有起色

其儉樸仍如舊俗

冠禮 久廢

婚禮

兩姓議婚近多不待男女長成且嫁娶更決之太
早所最重者門第門第不合不輕許婚女家若許

則擇日宴冰人會六親爲之通信而婚定矣非惟紳
士爲然卽商賈農工亦爾及笄則先納聘次納采次
問名次請期至期張燈結綵鼓樂導引新婿親迎其
貧而無力者惟以轎迎之入門男女同拜天地次日
謁廟拜高堂及伯叔娣姒之屬旁午婿婦詣母家筵
宴至晚而歸俗名曰圓門至貧寒之家先送定禮有

十二金者或數金者其有幼女無依則送男家撫養之亦間有以男贅女家者親喪納女名為拜喪男子未聘女子未字既死而後議婚兩柩合葬謂之冥配鄉村間有行之者至於指腹割襟則無有焉

喪禮

自初至終悉遵家禮終之次夕在本院土地神前設香案焚化楮錢燒亡者在時所穿衣服男女哭泣盡哀名曰點化錢雖未免俗無傷於禮其後記七先是浮俗作佛事誦經借此托言超度士大夫秉禮之家亦多行之牢不可破近年以來此風稍息逢七必以虞祭之禮致奠柩前中間親友公祭七七而止百期小祥大祥亦如之至於發引之日幡幢明器備極工巧親友奠賻至於祀土題主有力者請官長師尉闔學紳衿陪祭以貧富為厚薄酌送禮物或紬或布或汗巾束帶筆墨等物設筵甚豐其力不能備者多停柩以待豐裕頗違古制更有泥信堪輿卜地卜日動經數歲方葬者

浮山縣志

卷之二十六

風俗

五

祭禮

薦紳之家有事則祭於家廟士庶人多於寢室奉祀而祭之清明孟秋望日孟冬朔日均祭於堦兆

鄉飲酒禮

每歲正月望十月朔儒學齋長擇薦紳之有齒德者為正賓諸生之有齒德者為介賓庶民之有齒德者三人為耆賓署其名而舉之學學詳之縣先期下啓至日則令尉司訓皆詣明倫堂宴飲焉揚觶讀法酌酢拜跪一遵典禮亦古尊高年重有德之遺意也惜久不行

歲時社祭夏冬兩舉率多演劇宰牲隨其村落大小隆

殺有差蓋猶報賽之遺云

鄉鎮立香火會扮社賀演劇男女遊觀招集販鬻人甚便之

浮邑地處僻壤商賈不通購置貨物甚艱惟每歲三月二十八日東門外東嶽廟逢會七月十五日城隍廟逢會十月初六日南門內外關帝廟張公祠逢會招集遠近商賈販鬻諸般貨物邑人稱便焉

浮邑凡有疾病多信鬼事近始知延醫服藥至於鄉村山僻之處醫藥難致一有疾病則巫覡乘間惑之更有吃齋善婆燒香念佛以救人疾婦女家多為所惑牢不可破識者鄙之

節序

元旦

風興燔柏葉薰蒼木放花爆雜陳殽饌菓酒男女盛飾拜祀天地神祇次拜祖先畢乃長幼序拜比明則親族隣友各往來拜賀於其家至則各具酒食款洽是日不食小米俗謂之不受窮親友彼此春酒相招數日乃已遇首吉出行携酒備香炮羅拜坐飲謂之迎喜神

立春

先期一月用樂戶假之冠帶日春官春吏又裝春婆一人叩謁於官長及合邑薦紳之門誦吉語四句以報春至期先一日集優人妓女及幼童扮故事謂之演春次日率僚屬朝衣朝冠後儀從迎春於東郊歸則鼓吹導前土牛芒神居後昇之公堂而宴之至五更禮畢鞭牛使碎名曰打春是日人家取春牛土書吉利字於門并噉蘿蔔數片名曰咬春取薦辛也雍正元年奉

旨令樂戶娼婦歸良春官

春吏春婆仍舊焉

初五日 人家焚香楮於門
外名曰送祖先

初六日 剋門神眼恐其作祟
亦庶民小戶為之

上元 街巷張燈結綵鑼鼓喧闐觀燈者絡繹充道十五
日家家蒸麵蛾供神名曰鬧蛾兒食元宵十六日

男女艷妝出遊登城度巷盡日而返名曰走百病然
亦庶民小戶如此紳士之家則否二十日家家蒸棗

糕祀神並置庾廩中名曰添倉又炊煎餅碎雜穀裹
之謂之卷煎亦有用以祀神者夜則遍燃油盞不留

黑處寢息不語
俗呼為鼠忌

二十三 日 忌食米以
避瘡疫

浮山縣志 卷之二十六 風俗

二十九 日 火星聖誕演劇四日
放架火以答神功

二月二 日 家家祀
土地神

寒食節 清明前一日家家禁火以祀介子推此風久不
行矣

清明 前數日及此日家家祭祖塋宰牲羞餼焚寶蓋綵
幡綵緞紙錢漆土於塚上謂之拜掃祭畢乃坐享

餽餘焉是日婦女不理針帚或架鞦韆為戲小兒放
紙鳶

三月三 日 上巳之辰取柳條作圈辟蝎元帝行宮南北
兩廟設醮祈保平安

二十 日 聖母廟演劇設
醮祈保嬰孩

二十八 日 祀東嶽神東門外
集商賈貨殖大會

四月八日 祀關帝又為浴佛節洪福院設醮保安嬰孩

二十八日 帝堯聖壽有司詣山致祭

五月五日端陽節 辰刻採艾插首以辟疫食角黍飲雄黃酒小兒以五彩絲繫於臂脛即長

命縷也

六月六日 曝書曝衣作麩伏日合醬是日童叟沐浴謂之洗百病

七月七夕 陳瓜果中庭乞巧

中元 薦麻穀佐以果饅焚楮墓前

中秋 以月餅瓜果相餽送夜則供之月下焚香拜畢劇飲歡賞

浮山縣志

卷之二十六

風俗

八

重陽 家家食糕佩茱萸囊有携酒登高採野菊以歸者

十月初一日 携供饌楮錢紙衣至祖考塚前焚獻之名曰送寒衣貧者或燒之大門外

十五日 社祭日多宰羊祀而告之名曰閉神門

冬至 祀遠祖浮邑此禮久廢惟官師拜冬人家宴請新婿

臘月初五日 和五種豆及米作飯名五豆粥

初八日 煮豆粥雜以果肉薑椒之類謂之臘八粥

二十三日 晚設果餅飴糖祀竈次日各掃舍宇除一年塵垢陰陽家言此後數日諸神朝天百無禁

忌民間紛紛嫁娶

除夕

易門神換桃符帖春聯老幼團飲爆竹連天亦有
通宵不寐者名曰守歲